

Աստվածաբանական

ԱՎՈՒՄԲ

ամեն հինգշաբթի

450

Bookmark

ՌԻԶԱՐԴ ՕՍՄԱՆ

Ապստոլությունների
ԱԿՈՒՄԲԷ
ամեն հինգշաբթի
ԿԵՄ

Թարգմանությունն անգլերենից՝
Աստղիկ Աթաբեկյանի



ԵՐԵՎԱՆ
2023

RICHARD OSMAN

The
Thursday
MURDER
NOVEL *Club*

Bookmark

ՀՏԴ 821.111-31 Օսման
ԳՄԴ 84(4Մբ)-44
Օ-670

Օսման Ռիչարդ
Օ-670 Սպանությունների ակումբ՝ ամեն հինգշաբթի: Վեպ / Ռ. Օսման.- եր.:
Newmag, 2023.- 496 էջ:

Գյուղական խաղաղ բնակավայրի չորս թոշակառուներ՝ մոտ ութսուն տարեկան, շաբաթը մեկ հավաքվում ու քննարկում են սպանությունների չբացահայտված գործերը: Էլիզաբեթը, Ջոյսը, Ռոնը և Իբրահիմն իրենց անվանում են «Սպանությունների ակումբ՝ ամեն հինգշաբթի»: Մի օր էլ լսում են, որ իրենց ավանում իրական հանցագործություն է կատարվել. սպանվել է ավանի շինարարը, իսկ դիակի կողքին առեղծվածային լուսանկար են գտել: Սպանությունների ակումբն անմիջապես գործի է անցնում: Շուտով դիակների թիվը ավելանում է: Հանձարեղ քառյակը կհասցնի՞ բացահայտել մարդասպանին, քանի ուշ չէ:

ՀՏԴ 821.111-31 Օսման
ԳՄԴ 84(4Մբ)-44

Գլխավոր գործընկեր՝
ԶԱՆԳԱԿ ԳՐԱՏՈՒՆ
zangakbookstore.am


ԶԱՆԳԱԿ
ԳՐԱՏՈՒՆ

ISBN 978-9939-884-80-6

Ռիչարդ Օսման «Սպանությունների ակումբ՝ ամեն հինգշաբթի» © 2023, «Նյու Մեգ» ՍՊԸ
The Thursday Murder Club Copyright © 2020 by Richard Osman All rights reserved.

Այս գրքի հայերեն թարգմանության և հրատարակության իրավունքները պատկանում են «Նյու Մեգ» ՍՊԸ-ին:

Բովանդակություն

Մաս I Նոր ծանոթություններ 11

Մաս II Այստեղ բոլորն էլ
պատմելու բան ունեն237

Bookmark

Մայրիկիս՝ «վերջին փրկված Բրենդային» սիրով

Bookmark

Սպանելը հեշտ է: Մովորաբար մարմինը թաքցնելն է դժվար:
Բողոքը հենց դրա վրա էլ բռնվում են:

Բախտս բերեց. կարգին տեղ գտա: Կատարյալ տեղ է,
ազնիվ խոսք:

Ժամանակ առ ժամանակ վերադառնում եմ այնտեղ,
ուղղակի առուգում՝ ամեն ինչ կարգին է, թե չէ: Առայժմ ամեն
ինչ լավ է, ու, հուսով եմ, այդպես էլ կշարունակվի:

Երբեմն ծիտում եմ, թեև հասկանում եմ, որ չի կարելի, բայց
դա իմ միակ արատն է:

ԽԱՍ Ի

Ձեր մանրություններ

Bookmark 

1 Պոյս

Դե ինչ, սկսենք էլիզաբեթից: Տեսնենք, թե դրանից ինչ կըստացվի:

Իհարկե, ես ճանաչում էի նրան. այստեղ բոլորն են ճանաչում էլիզաբեթին: Լարքին Քորթի* երեք ննջասենյակով բնակարաններից մեկը նրանն է: Անկյունում՝ փոքրիկ պատշգամբով: Բացի այդ՝ մի անգամ վիկտորիանայում Սթիվենի թիմում եմ խաղացել, իսկ նա, մի շարք հանգամանքների բերումով, էլիզաբեթի երրորդ ամուսինն է:

Ճաշի ժամ էր՝ մոտ երկու-երեք ամիս առաջ, հավանաբար՝ երկուշաբթի, որովհետև հովվական կարկանդակ էին մատուցել: Էլիզաբեթն ասաց, որ հասկանում է՝ ճաշում եմ, բայց ուզում է հարց տալ դանակով վերքի մասին, եթե, իհարկե, հարմար է:

— Իհարկե, ոչ մի խնդիր, հարցրե՛ք,– ասացի ես (այսպես կամ նման ձևով եմ պատասխանել): Միանգամից ասեմ՝ միշտ չէ, որ ամեն ինչ հստակ եմ հիշում: Մի խոսքով, նա բացեց թղթապանակը, ու ես տեսա մեքենագրած էջեր. կարծես հին լուսանկարների ծալմված անկյուններ լինեին: Հետո անցավ բուն թեմային:

* Գյուղում բազմաբնակարան շենքերը հայտնի գրողների անուններ ունեին՝ Լարքին, Ռասքին, Ուորդսուորթ:

Էլիզաբեթն ինձ խնդրեց պատկերացնել, որ մի աղջկա դանակով հարվածել են: Ես հարցրի, թե ինչ դանակով, նա էլ ասաց՝ երևի թե սովորական՝ խոհանոցային: «Ջոն Լյուիս»: Ապրանքանիշը չասաց, բայց առաջինը դա միտքս եկավ: Հետո խնդրեց պատկերացնել, որ աղջկան երեք-չորս անգամ են խփել, ուղիղ՝ կրծքավանդակին: Հանել են դանակը, նորից խփել, հանել, նորից խփել, նողկալի վերքեր բացել, բայց զարկերակին չեն դիպել: Բավական ցածր էր խոսում, որովհետև մարդիկ ուտում էին, իսկ նա բարեկրթության սահմաններից երեք դուրս չէր գալիս:

Եվ ահա, երբ պատկերացրի դանակով վնասվածքները, Էլիզաբեթը հարցրեց, թե աղջիկն ինչքան ժամանակում արնաքամ կլիներ:

Ի դեպ, պիտի ավելի շուտ ասեի. երկար տարիներ բուժքույր եմ աշխատել: Եթե չասեի, այս խոսակցությունը տարօրինակ կթվար: Էլիզաբեթն ինչ-որ տեղից իմացել էր այդ մասին. դե, նա ամեն ինչ գիտի: Մի խոսքով, հենց դրա համար էլ հարցնում էր: Դուք երևի չեք հասկանում, թե ինչու եմ պատմում այս ամենը: Խոստանում եմ՝ ամեն ինչ կբացատրեմ:

Հիշում եմ, թե նախքան պատասխանելն ինչպես սեղմեցի շուրթերս. հեռուստացույցով շատ եմ տեսել: Փորձե՛ք, այդպես ավելի խելացի կերևաք: Հարցրի, թե աղջկա քաշն ինչքան էր:

Էլիզաբեթը թղթապանակում գտավ անհրաժեշտ թուղթը, մատը սահեցրեց տեքստի վրայով ու բարձրաձայն կարդաց, որ աղջկա քաշը քառասունվեց կիլոգրամ էր: Երկուսս էլ շփոթվեցինք. մեզնից ոչ մեկը չգիտեր, թե քառասունվեց կիլոգրամը չափման մեր միավորներով ինչքան է: Մտքումս

հաշվեցի՝ մոտավորապես քսաներեք սթոուն* կլինի: Ուրեմն, երկուսը մեկին պետք է հաշվել: Բայց միանգամից գլխի ընկա, որ շփոթել եմ դյույմերի ու սանտիմետրերի հետ:

Էլիզաբեթն ինձ տեղեկացրեց, որ աղջկա քաշը հաստատ այդքան չի եղել. թղթապանակում կար նաև դիակի լուսանկարը: Թղթապանակն ինձ մեկնեց, հետո շրջվեց սրահի կողմն ու ասաց.

— Մեկնումեկդ Բեռնարդին հարցրե՛ք՝ քառասունվեց կիլոգրամն ինչքա՞ն է:

Բեռնարդը միշտ մենակ էր նստում ներքին բակին մոտ փոքր սեղանի առաջ: Սեղան՝ համար ութ: Գուցե կարիք չկա, բայց մի քիչ պատմեմ Բեռնարդի մասին:

Բեռնարդ Քոթլը շատ սիրալիկ էր իմ հանդեպ, երբ տեղափոխվեցի Քուփերս Չեյզ: Մի փունջ կլեմատիս բերեց ու բացատրեց աղբը տանելու կարգը: Այստեղ չորս տարբեր գույնի աղբարկղեր կան: Պատկերացնո՞ւմ եք, չո՞րս: Բեռնարդի շնորհիվ հիմա գիտեմ, որ կանաչն ապակու համար է, իսկ կապույտը՝ սովորաթղթի ու թղթի: Ինչ վերաբերում է կարմրին ու սևին, փորձե՛ք գուշակել՝ ինչպես ես արեցի: Զբոսնելիս ի՞նչ ասես, որ չեմ տեսել: Արկղերից մեկի մեջ ինչ-որ մեկը ֆաքսի սարք էր գցել:

Բեռնարդը ժամանակին ինչ-որ բնական գիտության պրոֆեսոր էր եղել, աշխատել էր ամբողջ աշխարհում, նույնիսկ Դուբայում էր եղել այն ժամանակ, երբ ոչ ոք դրա մասին չէր էլ լսել: Զարմանալի չէր, որ ճաշի գալիս էր կոստյումով ու

* Սթոուն, բրիտանական չափման միավոր, սովորաբար կիրառվում է, երբ խոսքը մարդու մարմնի քաշի մասին է: Հավասար է մոտավորապես 6,35 կիլոգրամի:

փողկապով, բայց միևնույն ժամանակ Daily Express էր կարողում: Մերին՝ Ռասքին Քորթից, որը հարևան սեղանի մոտ էր նստած, շեղեց նրա ուշադրությունն ու հարցրեց, թե քառասունվեց կիլոգրամը քանի սթոուն է:

Բեռնարդը գլխով արեց ու դարձավ էլիզաբեթին.

— Յոթ ու երեքից մի քիչ ավելի:

Ահա, սա էլ՝ մեր Բեռնարդը:

Էլիզաբեթը շնորհակալություն հայտնեց նրան ու ասաց, որ կարծես թե ճիշտ է ստացվում, իսկ Բեռնարդը շարունակեց խաչքառ լուծել: Հետո ես ստուգեցի սանտիմետրերն ու դյույմերը, համոզվեցի, որ առնվազն այդ հարցում չեմ սխալվել:

Էլիզաբեթը վերադարձավ հարցին: Խոհանոցային դանակով վնասավածքներից հետո աղջիկն ինչքա՞ն ժամանակ կապրեր: Ենթադրեցի, որ եթե ոչ ոք օգնության չհասներ, երևի թե մոտ քառասունհինգ թուփեից կմեռներ:

— Համաձայն եմ, Ջո՛յս, – ասաց, հետո ուրիշ հարց տվեց, – իսկ եթե աղջկան բժշկական օգնություն ցուցաբերեին: Ոչ թե բժիշկ, այլ մեկը, որը կարող էր վիրակապել: Ասենք, բանակում ծառայած մեկը: Ի՞նչ կասես:

Ժամանակին ես բազմաթիվ կտրած վերքեր եմ տեսել: Իմ աշխատանքը չի սահմանափակվել միայն ձգված կոճեր բուժելով: Դե, դրա համար էլ ասացի, որ այդ դեպքում չէր մեռնի: Ու իսկապես չէր մեռնի: Ճիշտ է, ծանր վերք էր, բայց վիրակապելը մեկ անգամ մեկ կլիներ:

Էլիզաբեթը գլուխը տմբտմբացրեց ու ասաց, որ նույն բանն էլ ինքն է ասել Իբրահիմին: Այն ժամանակ ես դեռ չէի ծանաչում նրան: Ինչպես արդեն ասացի, այդ խոսակցությունից մեկ-երկու ամիս է անցել: